

四庫全書

集部

欽定四庫全書

石倉歷代詩選卷四百六

明 曹學佺 編

明詩次集四十

章懋

送白沙陳先生公甫

洙泗迥且深伊洛浩不息建溪一以逝末流日湮塞浙江泛功利西江浸虛寂寥寥宇宙間何人踐斯域陵夷

二百年儒術轉乖僻爭先取青紫明經竟何益有美羅浮  
仙遺編自探索章甫非我心鏗然只鳴瑟尚友千載人  
充然如有得禮樂古三王刪修今六籍墜緒何茫茫仰  
鑽容致力回瀾障百川屹立中流石任重道路長行行  
慎無斁斯文諒有在前修未應沒何當謝塵紛雲山隨  
杖舄共對梅花春細叩先天易

止賜酒

君王念儒臣眷養良獨厚解帶食天厨日賜黃封酒飲

食貴有節適時迺无咎昨詔酒云止曰茲炎暑候豈惜  
翹槧費狂藥恐作疚周書戒崇飲聖誥垂不朽嗟彼八  
達徒沈酣良足醜寧為攝生謀不問中聖否皇恩浩如  
天欲報慚何有

送張憲瑄用陳公甫韻

萬里無諸國旬宣僅一年稻收千澗雨榕翳幾村煙保  
障多新政規摹總昔賢設施嗟未究赤鳥又言旋

又

二南風不作道喪幾千年行葦荒秋雨甘棠老暮煙繼周遭聖哲分陝况才賢好試經綸手乾坤一轉旋

挽鄭縣丞

一官未了鬢先改丞負于今三十載藍田不作峨松人九隴還饒遺愛在西風草老鄉夢回桂巖舊業荒蒼苔飄然挂冠賦歸去巖前桂子秋正開惆悵人生能幾許歲舟夜半不知處鳩去梁空芝草萎烏府歸來淚如雨

送友人還鄉

東風送客都門外祖道紛紛集冠蓋仗劍樽酒惜解攜  
長歌激烈心感慨江南二月春融融畫橋煙柳顰新黛  
萬里風波一棹歸停橈時聽鶯聲碎故園回首別經年  
匡廬山色青青在多君自是尚書孫舊業箕裘莫輕廢  
人生功名須壯時駒隙光陰不相待早修六翮奮秋空  
肯隨斤鷗蓬蒿內交親不用嗟別離看花有約重相會  
縱橫禮樂策三千明年獨向丹墀對

送總兵出師

天王出震四海清熙熙田里皆安生越裳肅慎供職貢  
鳬鷺既醉歌太平蠢茲密人太不恭敢與大邦相抗衡  
封豕長蛇肆憑陵烽煙忽起邊塵驚君王赫怒奮戈起  
召集貔貅百萬兵元老壯猷有方叔命汝秉鉞行西征  
絕漠朝策嫖姚騎留屯夜警亞夫營秋風淒淒塞草委  
陣雲黯黯邊月明橫飛一効氣沖斗玉闕萬里揚天聲  
沙場一戰靖四海直取呼韓三百城櫨槍掃盡無妖氛  
勒功燕然回帝京

觀鬪雀

綠槐庭院日初曉，羣雀啾啾鬪林杪。  
奮身不入鴻鵠羣，爭飛聚噪心何小。  
巢林聊用一枝安，階除粒食充朝餐。  
爾形甚眇欲易盈，羣居何事興爭端。  
世人有欲恒不足，爭名奪利相追逐。  
吁嗟微物何足論，可憐無角能穿屋。

送武寧侯出塞

單于獮騎驚雲中，羽書夜入甘泉宮。  
君王撫髀思頗牧，將軍勇畧千人雄。  
去年征南聞凱奏，侯印腰間大如斗。

今年北伐初受賑劖鋒擬斫樓蘭首鐵馬橫行塞草春  
陰山瀚海無煙塵歸來看取麒麟閣漢家衛霍為何人

賜扇

祝融南來司火令大地鬱蒸如坐甑蓬萊宮中夏日長  
南薰有歌思解愠尚方新造宮扇成削玉裁雲形製精  
內侍傳宣賜卿士一揮頓覺炎塵清魯公詩句平生志  
願與君王驅酷吏安得牧守皆循良遠播仁風慰黎庶

賜粽

細葛香羅試新暑太平時節逢重午五兵辟盡百邪消  
不用釵符懸艾虎九重天上宴芳辰菖蒲香泛宮壺春  
青青菰葉包金黍玉盤滿貯頌羣臣小臣何幸遭聖明  
承恩共醉薰風裏願題宮帖獻新詩納忠竊效歐陽子

送春

黃鸝啼老綠楊樹萋萋草滿王孫路落紅無數點蒼苔  
九十春光倏將暮東君何事駕言回曲衣且喚花前杯  
殷勤相送共一醉後會又是明年來別離不用傷懷抱

四時代序天之道君不見功成名遂便拂衣漢家疏傳  
辭榮早

送王司馬致仕還鄉

材猷勲烈重當朝抗疏辭榮去莫招曉日都門開祖帳  
輕風江渚泛歸橈魏公晚節吟秋圃裴老閒情寄午橋  
可是太平無一事角巾私第得逍遙

送太宰楊碧川致仕

位正元僚統百官寵承優詔故鄉還文章舊價留東閣

猿鶴新盟在北山疏傅黃金因客散裴公綠野與雲間  
衰遲苦被樊籠繫悵望冥鴻獨厚顏

送吳學士儼考績

玉堂學士舊宮臣器業文章更絕倫袞補合陪黃閣老  
錦歸先慰白頭親禁庭春柳闌心早客路江楓得句新  
宣室從容應訪問豳風無逸好敷陳

送金侍郎澤考績

東風一棹發新河祖道那堪賦綠波白髮交游嗟我老

青雲勲業羨君多辭榮未許歸盤谷奏績仍催上玉坡  
聖主若詢邊塞事好將干羽化兵戈

送鄭尚書

一鴻天外去冥冥峻節孤風聳在庭投笏遠辭丹鳳闕  
棹舟間過白鷗汀午橋事往名猶在晝錦詩傳德愈馨  
愧我欲歸歸未得金華山色夢中青

和閻尚書廷綱留別韻

一棹翩然發大江歸尋綠野舊書窗萬鐘已覺心無累

九鼎從知筆可扛名世文章能有幾急流人物更無雙  
高懷不似乖崖老閒殺尚書意未降

環山樓詩卷

百尺危樓倚碧空山光面面列屏風  
凭欄遠睇心何曠對境豪吟興不窮  
樹色參差青藹外鳥聲朝暮綠陰中  
客來俯視三千丈却把滌陽作楚宮

謁文丞相祠

篝燈夜坐讀書臺懷古令人不寐來世遠唐虞文未喪

俗經秦漢事堪哀周公禮樂真王佐管氏功名只霸才  
千古是非昭簡冊豈容蹤跡共塵埃

送同年翁進士晏歸省

萬里青霄路始通白雲情思倍匆匆一樽別酒歌黃鸝  
十幅歸帆逐去鴻秋雨江村榕葉暗夕陽籬落槿花紅  
慈恩未報天恩重寸念難忘是孝忠

送國子監侯先生祭掃

丹陛陳情許畫遊桂花香裏泛歸舟十年宦况橋門月

千里鄉心浙水秋  
天上恩頒新雨露  
塚前光動舊松楸  
平生風木無窮恨  
憑仗龍章責九幽

移菊

白玉堂前種紫薇  
菊花開落在東籬  
為憐秋後香偏好  
故向春前手自移  
苒苒旋添承露葉  
亭亭先長傲霜枝  
樂天只愛黃昏伴  
一種幽香恐未知

禁中聞鶯

禁苑花深晝漏遲  
鶯聲遙在萬年枝  
不隨舞袖歌金谷

却伴仙韶奏玉墀長信夢回欹枕處瑣闈吟罷倚欄時  
東風空費如簧舌不道明庭有鳳儀

早朝

未央鐘動曙光生隱隱初聞柳外鶯風靜御爐香篆細  
天高斧座袞衣明螭頭陛擁黃麾仗豹尾班聯白玉珩  
最喜君王勤庶政蒼蠅聲裏問雞鳴

登科

太平天子御金鑾奎宿光芒午夜寒漢代文章推董貢

唐家科第屬歐韓  
龍門浪暖成頭角  
雁塔風高快羽翰  
雖是看花年尚少  
莫將溫飽問儒冠

羣鵠圖

噪樓曾報藜囚喜  
集棘應占太史祥  
修竹寒梅無外事  
若為羣語對荒涼

挽金華鄭同知重父

歲蛇忽作康成夢  
賦鵬空餘賈誼  
才從此耒陽溪上菊  
風霜時節為誰開

陳處士南園詩卷

平泉金谷競豪華，幾度花時得在家。  
爭似南園陳處士，曉看泉石暮煙霞。

哭外舅郭公

磊磊襟懷楚楚儀，客來能酒更能棋。  
從今寂寞看英會，不聽山陽笛也悲。

又

少日東牀誇坦腹，年餘四十竟浮沈。  
自慚不是奇男子，

空負平生擇婿心

入萍鄉作

篤節煌煌照楚山天  
曹何事落人間  
要知沿路官員好  
須到萍鄉縣裏還

和周郎中木

汝墳江漢古名邦  
曾見周南化日長  
書社不封千載恨  
謾誇萍實瑞昭王

別閩南僚友

三年憲府同懷抱此日離亭惜解攜回首建溪溪上路  
春山隨處鷓鴣啼

送洪憲長之官貴州

澄清未了旬宣去玉節星輶出富沙行李幾扛書籍外  
不將一物度仙霞

壽李知府嗣母

黃鸝孤飛四十年幾番機斷曉窗前隣姬只羨生兒好  
恩誥時時下九天

一陽微露嶺頭梅此日高堂初度來王事賢勞歸未得  
夢魂飛遠越王臺

莫道無人戲綵衣庭前賸有紫荆枝未須便上陳情表  
正是君恩欲報時

挽杜黃門喬妻

夢斷瑤池繡閣閒翠幃香冷燭花殘空遺舊織迴文錦  
留與黃門灑淚看

送同年謝元吉致政歸耒陽

曾因立仗難諒口苦為求芻又乞身貧病獨憐歸未得  
送君重憶故鄉尊

題介軒詩卷

半點緇塵不肯容古來高行許追蹤東風門卷多桃李  
雪後徂徠一樹松

雲舍寧親

榕葉梅花嶺路長皇華持節畫還鄉此行不似并州使  
悵望孤雲隔太行

滹沱晚渡

半川斜日照寒流  
騎馬來經古渡頭  
欲問蕭王冰合處  
野煙衰草徧汀洲

送同年鍾美宣乃叔還鄉

紫陌春回雪自消  
御溝流水碧迢迢  
行人欲贈新楊柳  
催喚東風長綠條

雨後觀漲

天瓢夜倒雨如麻  
曉望川原不見涯  
且莫臨流羨河伯

試將秋水問南華

章楓山先生集跋

先生成化二年進士選庶吉士散館為翰林院編修大內元宵燈火分帖詞臣撰進先生率同官黃仲昭莊臬具疏諫止詞甚切直旋出僉臬閩中風節政事迥出人表強仕之年即乞休歸林下幾三十年再起為國子祭酒秩滿一考仍乞休致連章屢上始獲允海內士大夫多奏薦之上亦累加獎擢而先生處之恬然不以榮名

易其志也集凡九卷乃其從弟沛所編而毛憲為之序

石倉歷代詩選卷四百六

欽定四庫全書

石倉歷代詩選卷四百七

明 曹學佺 編

明詩次集四十一

莊景

題竹

獨行湘江潯見此叢篁幽風雨日暝晦萬雀聲啁啾垂  
垂正結實恐為鵠雛謀豈無九苞羽飛下十二樓延佇

久不見此意良悠悠我因王者瑞極意垂鴻猷採之欲  
往食道路阻且脩問之在何所乃古西康州西康有西  
伯已矣三千秋至尊應昌運致此能無由清時一再覩  
咄哉何所求

橘潭和杜韻

搜寧何處所天地此溪堂世物如凋瘵醫門有棟梁寒  
泉真自冽老橘故須香水晚留蒼翠花深到森茫淨回  
真本色定有碧圓光實好垂垂大根靈故故長綠非懸

宿雨黃嵒弄秋霜沆瀣仙漿裏方書聖道傍野夫長老  
病白首幾低昂多謝扶持力殘生豈敢忘

沃洲山為新昌石秉殷賦

我聞沃洲山渺絕如仙洲仙洲不可到夢想空自道清  
風為我御白雲為我輶欲憑萬古心窮此天地幽何時  
沃洲仙與我相綢繆振衣鼇峰岡濯足津溪流把畫庖  
羲圖開卷大禹疇六經不得志萬古重剛脩悠悠天壤  
間邈矣吾何求

雪蓬為盛行之作

雪蓬老人瘦且清前身想只梅花精墨梅一寫幾千萬  
鷄林交趾知其名南京小兒不曉事相逢盡喚梅先生  
一蓬有屋鳳城裏土脊茅簷竹椽子蝸牛半角祇藏頭  
我為量之剛丈許不題偃月畫錦堂扁作雪蓬聊爾耳  
北風大雪五尺深無限傍人愁壓死老人高坐方掀髯  
大呌狂歌對兒女大兒捧筆婦捧觴一醉梅花三百紙  
籬邊竹樹徑徑佳萬个弓削千峰尾忽然幾處鼎石根

便是懸崖活梅樹此時天趣不可當誰人肯許同清狂  
花光補之已非敵當時空有王元章定山先生無一好  
雪蓬老人當笑倒只有區區觀物亭半庭茂叔窓前草

木石圖為許志完作

定山破袖無尺大東歸袖取蓬萊峰峰頭老禿幾千樹  
槎牙萬古擰長空箕山老人不曉事問余欲向青天住  
醉中見許不作難襟中滚滚傾天地老人覩此造化權  
返却而走心茫然忽然江海一平地干仞萬仞飛蒼烟

錦樹蒼峰不須買草閣秋崖明月在白頭當此當有知  
還我東坡袖中海

來教謂尋梅之約已訂然不知此中梅易得否  
李貞伯和章雖有相尋不難之句然亦約莫  
之言耳故更和一章問尚文上人云景為貞  
伯解圍遂亦不揣和奉一章然亦不知更為  
約莫之言否也

江山雪冷凍欲凝梅花萬壑藏深冰數枝何處更江國

淡影無香亦無色看花須看花未開公欲尋梅尋便得  
徒然約莫尋本難白頭爛醉空吟鞍李君平生亦清興  
未始歸途日空暝公才自出人所思那得李君真莫知  
來教謂陳師召太常久稽和章以此見促景亦  
以太常非久稽者以全取勝故耳故揣太常  
之意亦奉和一章

詩壇四野凍雲凝重兵十萬屯堅冰梅花相遇幾敵國  
戰酣落日天無色相持不勝不肯休不是老梅禁不得

太常先生豈和難手持巨槊橫吟鞍養威自待有餘興  
一鼓坐收天地暝詩家老將須更思仁者無敵何人知

鍾欽禮畫牛

東風渺渺平原綠幾鼻浮江春帶犢短蓑耕罷一犁歸  
數畝山坡雨未足薄田我亦耕定山六角未能終日閒  
一笑還尋飲牛處夕陽疎柳前溪灣君不見江山萬古  
驅牛樣用則耕田閒則放

送李德孚林緝熙還南海

細雨桄榔樹清泉苦竹根先生舊家業風日短籬門歸  
計携諸友迎舟立兩孫能尋白沙子同醉濁醪樽

和容彥昭

世人無限事南畝領農夫佳氣山長在秋江鶴自孤風  
流還我老塵俗似君無朗月孤舟夜能來共五湖

聖像寺

聖像移舟入僧貧寺轉佳白雲何處所秋逕此袈裟細  
雨憐棕葉香風問橘花野人幽僻甚隨意宿烟霞

與孤鶴翁泛江

江晚真堪畫。烟中樹。樹清兩人携。小槳萬里蕩。秋溟醉。  
眼岐周鳳虛。名楚國萍。西山知我意。個個龜銀屏。

雨中招廷信

往來頻舊雨。今雨可相辭。留取一樽酒。賞公千古詩風流。  
真塵尾。跌蕩更花枝。自掃門前立。能來莫遣遲。

贈豐城李士遠用韻

白髮今何去。來過亦此天。子能留幾日。吾且慶雙泉世。

事雲難定青山雨結緣好看溪上月還與共衰年

客至

野磬投閒止寒山暮欲深醉留三日雨狂了百年心雲  
水青藜杖乾坤老布衾蒙頭閒不啻何處是晴陰

同東川諸友溪上晚釣

潦倒青溪上閒隨放蕩緣請誰留白日任我釣青天酒  
舞長蓑爛花簪破帽圓醉歸扶不遠家只水東烟

宿伯顯家

平生安老睡此夜獨何期病枕風誰礙疎櫺葉放欺山  
留人愈靜月有句專奇若許論更漏城中客不知

壽邊處士

野日蒼峰路青天一布巾鶯花真老計天地此遺民海  
甕仙醡熟山居帝畫真白頭今太古公外更何人

德州

兩月京師路今來尚一千虛名非雅事薄計祇蒼天夜  
泊隨孤驛雞聲各放船小詩留一雨又話德州緣

寄萬廷器

乾坤此日聊携卷文字當年畧濫觴玉樹偶驚詩眼在  
菊花相對酒杯長山林放手招明月江海歸帆掛夕陽  
明日老癡如問訊欲將秋思託潘郎

遊靈巖山

百年未了青藜杖又向靈巖坐晚晴我與閒雲同自在  
月交秋夜極分明青天曠野真能大白鳥滄江本自清  
俯仰崢嶸男子事肯將容易負平生

遊瑯琊寺

窅然天地豈人寰紫翠無窮十里間  
閒看古松尋片石偶隨流水入深山  
四時花在巖巖好半日僧來個個間  
我有新詩三百首蒼巖題偏不知還

馬侍御過訪

清江大樹老夫家只許衡門管歲華  
雲谷有詩醉紫筭柴桑無酒不黃花  
百年事業長鎌老萬里風雲醉眼賒  
何處西臺賢御史也來垂眼釣魚槎

楊侍御枉顧

江頭深樹草堂孤故舊諸公過此無小吏忽來傳駕到  
老夫雖病遣兒扶繡衣御史青驄馬田舍翁家濁酒壺  
肯為交歡拚一醉休嫌禮貌老來羸

香山九老圖

山林我極勞千慮宦海誰能着萬牛自古更無陶靖節  
而今須畫白江州尋常此日才多病八十他年更幾秋  
俯仰乾坤無一語道人乘月坐江樓

重陽雜興

柴門兩月閉蒼苔老病何人得好懷短髮亂從頭上白  
重陽偏是雨中來黃精瘦地鋤空把北斗滄江首正回  
賴有黃花知老子東籬深傍酒杯開

卧林亭雜詩

塵埃滿眼思東海明月高樓每見之幾載別離今酒共  
兩人肝肺此燈知丈離萬事何如我潦倒千年却與誰  
五月孤舟還問路老懷甘與水東隨

登雞籠寺

一磴盤空一磴回白雲蒼樹打成堆題詩朗月清風到招手千峰萬壑來今古此峰天棟柱烟雲何處佛樓臺我來不肯題名姓恐被故山猿鶴猜

送東川雪潭至真州有作

白頭揮汗未能乾五月真州在馬鞍盛暑不曾辭遠出病軀今日可容難江山幾處真風月今古何人此肺肝明日短筇誰傍我祇應清夢繞漁竿

清溪

清溪綠樹繞東西處處逢詩不敢題無賴雨能連甲子  
最佳山直到苔溪江湖有債閒遊老世事無能白首低  
肯為思家長再拜孤舟夜半子規啼

除夜和黃子明員外

老醉屠蘇今夜酒一杯千古獨何思送窮文字真誰是  
應節梅花畧少詩病痛百般羞此夕乾坤萬事了何時  
明年又說明朝是青鏡剛添雪幾絲

挽容彥昭

墓中誰打彥昭碑老淚西風可盡垂敢向青天呼此友  
不知華髮長因誰九京夜路書難到萬里江門我自遲  
多少交情言不盡長江留寫哭君詩

休寧汪進士枉顧定山有詩和之

留君五日溪雲坐共看溪雲且莫歸詩思兩人秋澹澹  
老懷連夜雨霏霏菊還戀節移盆瘦躰畧經霜送酒肥  
倘肯重來須記取桃花流水是柴扉

寄吳憲之侍御

王節留詩老樹灘可能留憶釣魚竿相看雲水無三舍  
不寄梅花又兩寒醉枕柳根容我睡諫書天下為公看  
相思欲采芙蓉寄只恐江深到日難

驄馬朝天為戴元吉侍御作

落葉秋霜送馬寒題詩迂蹇竟誰干聖朝海內長無慮  
野老山中睡亦安御史祇今為寄重諫垣從古盡言難  
明朝或有垂裳論願與山中拭目看

焚黃詩為某太母題

風燈何自許堪憐容有人間萬古緣晝夜死生真大夢  
乾坤竹帛果誰賢百年盡了觀空意兩誥初收斷髮天  
老坐孤松板哭盡留詩吾獨愧三遷

九日同吳獻臣登定山

登高不把病中休笑插黃花各滿頭醉倒酒杯還不放  
也知明府亦風流斯文幾處能今日山寺他年說此遊  
但恨老衰詩力減曾無一句似羅浮

送吳獻臣

嶺海來過不作難三年幾度問漁竿黃花病裏雖真愛  
朽木山中豈足堪今古短檠間對酒江山晴雪此憑闌  
殷勤欲了相酬意折盡梅花贈馬鞍

徽州方純吉枉顧定山有詩和之

溪雲真愧此衫長老去山中百事荒貧叟畧無他敬客  
山中惟有一焚香詩人本自方干後賢者還生仲晦鄉  
明日碧梧陪坐處便將留鳳扁茅堂

寄姜惟貞太守

釣竿乘老問東風千里鷗波更向東  
閒笑龜蒙曾似我便難張翰不如公  
江聲海色留孤艇月影湖光照兩翁  
却憶西涯今學士廿年無信託歸鴻

六合別俞邦誠

孤舟一雨帶秋開何處弓旌萬里來已分深山甘朽木  
豈知優詔起非才人間百事添霜鬢老去虛名愧釣臺  
把手欲將離別句不勝千古送秋回

濟寧舟中

不管青天問去鴻百年都只此杯中千家小聚村村暝  
萬里長流岸岸同遠樹入河留返照布帆隨力飽西風  
南來北往奔波地留與兒童笑老翁

舟中

暮靄千家望欲平風光看處有詩情秋燈小榻留孤艇  
疎雨寒城打二更石自隔河分別界人將孤驛問何程  
同行我亦朝天客兩鬢羞看雪亂明

蔡村

孤舟遠水入潺湲眼見河流又一灣  
萬里小舟連夜發  
幾灘秋水白鷗閒淺深雨亂移篙地  
西北秋連出塞山  
問訊京師還幾驛不勝清夢五雲間

宿白家川

淺灘還離寸膠前稍稍頻催上水牽偶到人家多處夜  
遠隨明月各灣船客非逆旅愁難到鼓合鄰燈醉不眠  
向曉聽雞還亂發欲將行止問河烟

題畫

遠山青兩峰老樹秋幾葉我懷不可羈空江下明月

題蕭尹翎毛

幽鳥啼自哀秋風竹枝怨哀怨情豈勝月明寒影亂

題畫

浮雲籠晚照野樹亦輕陰莫道無人迹春山也自深

石翁見寄次韻

山盟投老會相尋無復人間不了心鐵遂試吹峰頂月

山靈依舊是知音

梅花

儘遣東風問化工  
南枝何與北枝同  
誰知無限春消息  
都在寒烟一抹中

畫馬

野草寒風捲雪乾  
病軀斜閣瘦欄干  
相逢芻蕘豆人間者  
誰把行天步驟看

遊平湖南寺

綠陰擰入傍湖州水作清深樹作幽是畫不知還是寺  
晚峰斜日更登樓

張秋夜泊憶李升都憲時出巡兗州

孤舟旅泊果堪情明月黃河水亂傾雨後老人渾不睡  
別懷長憇兗州城

石倉歷代詩選卷四百七

欽定四庫全書

石倉歷代詩選卷四百八

明 曹學佺 編

明詩次集四十二

張弼

酬楊編脩維新

灼灼東風桃綺綺  
西園李采采  
諒匪艱舉手聊漫爾  
云胡自束縛企望邈千里  
齒髮易衰謝歲月不我俟抗走

京華塵欸曲謝知已素心為我傾瑤琴為我理言別川  
途長夢寐相汝爾申張致教言出處貴正始螻蟻知陰  
晴孔翠擇棲止明珠與珊瑚乃在滄海底努力慎所之  
六籍固根柢再拜置懷心察察聲在耳歸雁西北翔作  
報心懷耻惄惄畏迷方身先雞鳴起

答胡廷慎進士

村居斷來往攤書校陶陰寥寥三百載誰鼓紫陽琴螢  
燭無遠照轉展費沈吟新聲亂古雅嘈嘈或愔愔念昔

與君期迪我以妙音中道忽仳離宿疚鬱中襟支離事  
鉛槧何以希回參湛湛圖靈高淵淵滄溟深栖栖坐遲  
暮題鳩鳴芳林

東山勝集

金昊澄新霽涼颸襲衣裳謾赴樽俎召靡靡東山陽弛  
策馬徐進微吟興騫翔峩峩古招提熠耀揭龍章萬松  
蔭虧蔽彌望鬱以蒼轉轉紆石磴遙遙躡重岡山人導  
步遠爰覲神闕藏蜿蜒功德水一舸清肺腸席苔薄留

憩競掇澗芷芳絇懷昔人迹訊之已昧茫而予自慶幸  
幸際時樂康幽夏歸一統文軌同萬方

竹詠

擊節歌離騷湘靈招不得開門看明月幽篁倚蒼石春  
風千萬花花落春無迹此君冷淡姿常有好顏色

紅梅贈同年翁僉事

庾嶺小紅梅風標天下絕昨日幸同歡今日傷離別玉  
笛兩三聲吹落胭脂雪寫以贈知心相携共明月

送陳公甫膺聘之京

勢利不我愴貧賤不我戚委曲義理途飄然若無迹問  
我今行藏而我亦未識扁舟涉江湖皓歌秋月白

夢奚元啟

曲江池畔龍化魚明光宮前重獻書丈夫意氣薄霄漢  
健翮不受樊籠拘歸來吳門領烟月三尺劍光飛列缺  
不容匣底繡紫苔要封塞外天驕血我曾曳裾趨後塵  
壺觴瓢墨時相親荆卿臺前雪沒脰狂遊不惜肌膚皴

南薰樓頭一分手過隙光陰白駒走翠簾兩度見飛螢  
消息不聞空仰斗今夜翩然入夢魂五色彩筆扛崑崙  
白日下照寸心苦好風吹入金馬門金馬之門在天上  
雙雙玉人笑相向夢回海角只孤吟千里百里相思心  
霜花滿地月華白悠悠何處鳴寒砧

張行人銀漢遨遊圖

東溟仙人事遊冶穩騎六氣如馴馬雙袂翩翩歷紫清  
回看一道銀河瀉河中誰泛蓮葉舟玉節翠旛張使者

昔日靈槎已腐爛換得蓮舟更瀟灑天孫投杼笑相迎  
與汝一別三千齡我欲贈爾支機石寧勞遠訪嚴君平

雲山圖

楚人談匡廬越人談天姥何如對此雲山圖為我胸中  
洗塵土山青青兮雲英英樹蒼蒼兮泉泠泠小橋曲徑  
數十轉百畝石田如掌平茅屋參差出林罅雞犬聲中  
雜人藉鴨舌沙頭竹葉舟紫鱗銀鱸不論價我慚詩債  
百不酬久無清興筆亦羞看此圖中堪避俗可能借我

三間樓固不學東山之安石亦不望南陽之武侯鑽研  
章句咀陳腐獨慕萬古情悠悠行當了此念拂袖尋浮  
丘青鸞白鶴許我駕飄然逕入雲山遊匡廬天姥有佳  
處處處小住三千秋

題畫

大山如龍欲飛去小山盤盤如虎踞近山晴露兩三峰  
遠水微茫不知數劉君家住山之陬蒼藤古木涼陰稠  
步月頻穿花裏逕看雲別起水邊樓隔林松吹含清響

古色莓苔和雨長案頭六籍時卷舒沙上羣鷗日來往  
近年得志上天衢皇華四牡常馳驅道逢江陰何太守  
為寫江南山水圖朝回挂向碧窓曉滿幅烟嵐靜悄悄  
坐中都似舊遊蹤只欠清音一啼鳥

送僧還邵武

義師彈琴兼寫竹指端觸處清風足廣陵明月十二樓  
瓊裾仙袂同追遊瀟湘晴雲數千里桂楫蘭舟弄烟水  
梵餘定起白晝長冥心今古何茫茫我賦新詩送君去

靈風忽偃窓前樹

漁舟

溪光欲沈風色惡後船來傍前船泊老婦煮糜糜太薄  
船頭大孥先一杓蓬底小孥苦啼索須待郎食為汝嚼  
連日天寒魚數縮買酒無資人寂寞還勝趨官走城府  
忍凍吞飢受鞭朴嗚嗚競唱漁家樂

石鐘山歌

昔官左轄湖湘去彭蠡風高帆不駐回頭空戀石鐘山

白鷗飛斷迷烟樹  
竭來量移江之西  
石鐘山上幾栖遲  
時聞鐘聲發山谷  
緩復急兮高復低  
恍如野寺僧喚粥  
高棟懸蓮時一觸  
又如鳴佩趨駕班  
五雲雙闕聲催促  
前呵暫止問山翁  
翁云此處無金鐘  
巖下玲瓏石作竇  
江風鼓浪相激衝  
遂令天然至音起  
何煩協律分條理  
烟波客夢幾回驚  
塵土勞心頓時洗  
乃知鐘名不我欺  
委蛇石磴尋古碑  
蔓草垂蘿古碑沒  
剔蘚漫閱前賢詩

贈王鎮撫

天狼睇睇時出沒 弩光芒正蓬燄  
九重厲精康庶物 蔑羅才俊罔遺逸  
爪牙世臣襲華秩 感恩思奮心如怒  
握劍提戈聲咤咤 我苗斯矯髮斯櫛  
腥羶汎掃南北一 露布奏捷星馳疾喜動天顏  
重進秩虎符煌煌耀朱芾 丈夫才氣斯弗屈汗簡垂名皦于日

梅嶺

梅山巨石當關口 只容足馬單人走  
五丁一旦揮金鎚 百尺嵯峨復何有  
碎石填澗澗亦平 又令陡岸添圩城

昔年險處今平地  
晝夜輪蹄自在行

題畫

遠山如飛近山走  
茫茫白雲三萬畝  
小橋盡日無人行  
孤舟自碇清溪口  
似聞烏啼猿嘯哀  
長林宿莽驚風來  
令人灑然毛骨爽  
不知身在黃金臺  
金臺紅塵深百丈  
騎馬東西事鞅掌  
見圖喚起山澤心  
枯腸騷然詩句癢  
揮毫聊問許郢州  
何時約伴作清遊  
我歌爾謠齊拍掌  
笑看黃河北水流

西施菊

西風吹破胭脂夢  
館娃佳人醉顏渥  
蘇臺麋鹿渾不知  
自有陶翁供笑謔  
莫信此翁清且貧  
花前時復賦閒情  
東籬落日幾醒醉  
却笑鷓夷空醜名

花鳥二首

天台山裏劉郎來  
元都觀果劉郎去  
人來人去花不知  
金衣鳥啼春滿樹  
綠窓孤眠如玉人  
聞道春歸未識春  
欲起推窓看花鳥  
還將羅扇障流塵

青青幽禽豈凡翼傳書曾謁秋風客廷臣官妾藹如雲  
只有偷桃小兒識流光忽忽能幾時舊日桃花無一枝  
幽篁獨抱歲寒節飛來與鳳同棲遲

花朝期錢世恒御史不至

北土花朝草木青南土花朝草木盡滿庭新綠啼孤鶯  
美人不來空有信悵然酌我金藤卮頽然隱几夢見之  
覺來不見倍相思嶺南嶺北雨絲絲

禽言

得過且過飲啄隨時朝暮得隴望蜀徒爾為未知是福  
還是禍得過且過

泥滑滑兮行不得郭公提壺勸君喫脫布袴涉水難不  
如歸去聊安息

次韻葉太守郡齋述懷

黃霸還朝日空餘海國春吟農偏覺滿行李共知貧笑  
別三江月俄為千里人平生一孤劍不避霍家親

送郎中吳行德還南京

聖主龍飛日英才豹變時北來天浩蕩南去路逶迤柳  
影家家畫花香處處詩南宮印如斗指日待君持

上巳日

上巳今朝是蘭亭不可尋一為京洛客幾負故園心綠  
水鷗盟遠黃塵馬首深題詩難盡興展畫看山林

送徐仲廣歸姑蘇

醉坐春風棹春波照眼明正當欣賞處又慘別離情渺  
渺飛花遠萋萋芳草平少年懷壁去有待價連城

和浦憲副述懷

昔在西臺日閉門甘守貧滿朝求識面同巷懶呈身  
永慕常如舊烟花自換新且須傳酒頌何必論錢神

寄徐時用

同邸每同遊別來俱白頭古心遭俗罵老眼閱時流明  
月三江棹清風百尺樓更期東海上鶴氅伴閒鷗

溪居

聞說幽人屋门前碧玉流鴨頭微映雪鷺尾淺含秋無

際迷青草多情縱白鷗素衣何用染相對自悠悠

雪後有感

海國偶行眺悽悽感物華春分還有雪寒食尚無花村落四五里爨烟三兩家荒林翳斜日處處鬧歸鴉

送瓊州守

滄海隔瓊山憐君幾往還蒲帆一萬里竹屋兩三間首化鯨鯢窟心歸鴛鷺班春風杏花信又促觀天顏

寓館述懷

為客京華若轉蓬移家又向玉河東謾凭白眼看新綠  
懶着青鞋踏軟紅三月風光渾夢鹿半生辛苦尚雕蟲  
牀頭舊醞江南味且約心知一醉同

栽杏遷居春坊之右廂作

御河東畔春坊裏借得閒齋寄此身偶見移來山杏好  
買栽寧計客囊貧孤根元荷乾坤力嫩葉都含雨露春  
擬醉紅雲香霧底曲江風景一番新

用韻寄林亨大

引蔓高枝笑女蘿元龍豪氣未消磨赤貧何必逢人說  
清興時還對酒歌五夜客愁聞蟋蟀九天風信送鴛鴦  
男兒須了人間事不信流光一擲梭

用韻簡全聰二上人

同著緇衣遯綠蘿晉書唐律共磋磨僧中今見大小郎  
世上爭傳長短歌適意豈無千里駿聽經應有一雙鸞  
偷閒欲結東林社須得疏盤貯水梭

渡江

楊子江頭幾問津  
風波依舊客愁新  
西飛白日忙于我  
南去青山冷向人  
孤枕不勝鄉國夢  
敝裘空惹帝城塵  
交遊落落俱星散  
岑對沙鷗一愴神

宜興好寄弋陽尹李端卿兼柬諸公

吳中山水宜興好  
曾在京華得飽聞  
踪跡十年嗟未到  
風烟一壑要平分  
筍籜茶焙銅官雨  
荷蓋蘭舟洴浰雲  
更問東坡田可贖  
便教兒子早耕耘

徐氏賞銅絲燈

太平京國萬家燈東巷徐家最有名金網漏光華月小  
繡旛拖影綵雲輕樽前何用蛾眉舞筆底能令鬼膽驚  
試問去年同賞者天涯星散不勝情

滕王閣次韻

滕王高閣楚江涯此日來遊夙願諧遠近山川供酒案  
古今人物在詩牌乾坤有意留陳迹歲月無情感壯懷  
欲倚梅仙黃鸝去五雲深處拜堯階

和廣東按察使閔朝英

南海黃柑遠見分幾回貪嚼苦思君孤鶯愁坐蕭蕭雨  
老鶴高飛渺渺雲花判最能明國法草書何足張吾軍  
一尊庾嶺梅花月共醉清風却舞屐

陳公甫寓寺連日不見寄之

何事今朝阻笑談淒風寒雨暗江南百年事業知多少  
九月光陰又廿三綠酒且教人酩酊黃花自笑鬢鬢鬟  
晚晴還過周臺宿細與崆峒道士叅

與陳公甫飲懷賀克恭給事莊孔易司副

章江禪院雨聲秋綠水黃花話舊遊  
賀老曠懷應我念  
莊生高論許誰酬  
乾坤古氣雙龍劍  
江海長流萬里舟  
去雁來鴻無信息  
夕陽孤倚斗南樓

寄建昌太守秦廷招

老守題詩寄少游  
天涯幾度斷鴻秋  
丹心自許乾坤識  
白髮誰憐歲月流  
葷菜關情千里外  
杜鵑驚夢五更頭  
章江北繞人南去  
獨倚斜陽鐵柱樓

照鏡

覽鏡今朝忽見吾欣然對語共盧胡鬍鬚鬢髮乃如此  
磊落肝腸還在無敝郡窮民真愧報清心直道太迂踈  
秋風有便不歸去空負松江巨口鱸

次丘時雍太守

輕風細雨晚涼餘撼撼庭梧葉漸疎念我此時來手筆  
愛君何日到肩輿欺人歲月翩翩爾隨世功名碌碌如  
矯首番湖幾千里傷心歸雁一行書

與桑民懌宿別

送別江頭意不堪。僧房留宿快清談。  
鬢毛零落風前驚。心緒悠悠揚水上。  
蠶司馬竒文空自賞。元龍豪氣卧能諳。  
一梳曉月催行李。水自北流人自南。

次錢世恒繡衣

六年作郡幸清安。筆興詩懷不屬官。  
酒遇故人隨量飲。花當好處及時看。  
鱸肥松水家千里。馬倦梅關路九盤。  
京國舊遊如夢寐。未知何日罄交歡。

送石廷堅進士出宰上杭

三禮聲華聞九州  
杭溪作宰邁時流  
鐵爐賦足民無恙  
銅鼓山鳴歲有秋  
不愧王喬曾賜履  
慵看卓茂早封侯  
兩京襟佩紛如雨  
回首春風憶舊遊

登東山送馮掌教

一迴相見一清吟  
短髮繁霜歲月侵  
浪迹祇憐南又北  
曠懷誰信古猶今  
越王臺北秋風早  
張相祠前暮雨深  
莫問元都癡道士  
紅塵回首欲投簪

張丞相祠

丞相新祠何處尋  
梅花嶺上最高峯  
雲封一室藏金鑑  
泉滴層階奏玉琴  
後世競傳開路蹟  
當時未盡補天心  
竹批兩耳青螺遠  
獨立西風慨古今

偶賦

過嶺囊箱下瀨船  
丁夫晝夜少安眠  
薄田蕩盡猶輸稅  
惡客頻來橫索錢  
窮髮東南皆赤子  
舉頭西北有青天  
不才無計蘇民困  
食祿乘軒自赧然

題金蓮寺壁

南安北寺足徜徉公務清遊兩不妨玉版禪師參茗汁  
金蓮侍者供檀香墨花灑灑孤亭雨劍影翩翩五嶺霜  
分付山林老猿鶴須分一半作黃堂

飲顧天祥家

仲冬風日似深秋白鶴城陰好放舟天地有期誰不盡  
溪山如畫我來遊詩懷酒興逢青眼舞影歌聲醉白頭  
三弄梅花促歸去一天明月更相留

續夢

買斷秋光不用錢  
祇憑酒筭與詩篇  
青簾艇子蘋香裹  
錦瑟佳人菊影邊  
興到不辭松寺遠  
醉來還愛竹輿便  
也知白髮非春事  
自與西風結曉緣

送客歸閩

白雁風高秋氣涼  
畫船東下旆央央  
張翰江上尊偏美  
陶令籬邊菊正香  
稽首不勝恩浩蕩  
掛冠一任鬢蒼浪  
何時騎馬來尋訪  
攬葉陰中吸荔漿

綠涯堂新成

別館新開綠水濱蕭然無處着置塵清風時作酒邊伴  
酷暑不欺林下人猶未忘機鷗鳥舞時常得食鷗鷺親  
天涯故舊休憐我老齒還能嚼紫尊

淮安雪夜

自怪平生酒量慳舟中無事可消閒雜書數卷看來厭  
名紙千繙寫付還蓬背雪聲何颯沓牀前燈影半闌珊  
瓦爐砂礲空相對誰在春風醉夢間

渡江

蓬底茶香酒夢醒  
大江風急正揚舲  
浪花作雨汀烟濕  
沙鳥迎人水氣腥  
三國舊愁春草碧  
六朝遺恨曉山青  
不知別後東湖上  
誰愛菱歌倚棹聽

遊小崑山

小崑山勢卧麒麟  
獨角擰空璧塔新  
北崦榛篁三佛地  
西村杓臼百家春  
陸機舊宅空餘草  
張翰歸舟却有尊  
沈醉臨流還濯足  
青鞋猶恐涴黃塵

春暮述懷

旅館孤吟思惘然抱書時讀枕書眠萋萋芳草日將暮  
點點飛花春可憐家信不來江雁杳鄉心正切海鱸鮮  
欲沽一斗花前醉自笑青衫不值錢

送楊將軍帥邊

獨携長劍守窮邊洮水岷山路幾千五月氷裘走冰雪  
三更笳鼓報烽烟巴陵宛馬師僧寺羌語番文譯史傳  
自昔班超身未老玉門關外聖明憐

陳粹之鴛湖寓居

青雲人借白雲居似欲逃名半老漁但覺蘧蘧成夢過  
何曾咄咄向空書鴛湖泛月狂歌甚虎阜穿雲小醉餘  
負我同年歎離索金鼈閣下候肩輿

崇溪景五首

悠悠下村徑望望皆烟樹何處讀書聲山禽忽飛去  
潮去閘頭淺潮來閘頭深淺深渾有定不似世人心  
登登度西岡恰與詩景會歸鳥下幽叢斜陽在岡背  
白鷺宿寒塘寒塘浸明月懊恨少年心分明鏡中雪

滄海明月來古戍行人靜驚見張顛書滿地藤蘿影

畫虎

羣虎人所畏人怒羣虎戮試看堂室間坐卧爛斑禡

古意

桔槔如離腸轆轤千萬轉只見山高低不見路近遠

畫景

艤棹荻花灣相期且未還不須愁日落明月在東山

留別江西諸公

送別章江門何須折楊柳天涯去住情春風幾回首

道中口號

昔從此路來今從此路去東海舊綸竿還挂珊瑚樹

題畫

江上新涼霽色開綠雲深樹見樓臺老漁未肯拋蓑笠  
還恐輕雷送雨來

又

雲杉如蒼屋如船詰曲溪流瀉碧潭獨立小橋吟不盡

插天晴翠太湖南

題畫贈張憲副廷芳

山水情懷軒冕身抗塵終不混流塵西湖十里梅花月  
來伴扁舟載鶴人

春晝

落花飛絮促春陰倚徧東風傷客心欲試青衫無酒伴  
城南草色自深深

春山

青染螺鬟春又歸巖花徑草靄斜暉謝公自有登山屐  
誰向閒門踏蘚衣

春燕

春雨秋風底事忙棲身自欲向昭陽誰憐江外初歸日  
巢壘未成空繞梁

訪人不值

茫茫滄海兩浮萍多謝風波偶合并別後相尋不相見  
風波依舊是無情

胡陵城

漢楚英雄逝水東蕭蕭荒壘幾秋風  
金戈鐵馬酣爭地付與尋常負米翁

西浦盟鷗

吟弄清風綠水塘白鷗時拂芰荷裳年來不獨忘機事  
一箇閒身亦自忘

書童志昂詩後

雪貌霞裾一美人只將遺珮寄情親湘皋有路無由見

幾度東風草自春

羅袍

鴨綠羅袍魚口開重教補綴不須裁眼前多少翦衣者  
太守真慚襪線才

俞舜卿僉憲許柑未送詩以促之

南海黃柑未見分舉杯空望嶺頭雲元宵燈火相將近  
空手歸來惱細君

曉行

曉行梅嶺鷓鴣啼草樹蒼涼路欲迷莫道哥哥行不得  
馬蹄南北又東西

仙茅

庾嶺仙茅舊有名隨時采服髮長青使君昨日纔持去  
今日書來乞墓銘

懷友

飛來渺渺送春歸忽漫鈎簾對夕暉竹下小池雙翡翠  
銜魚飛過綠苔磯

絕句

空濛山色晴還雨，繚繞溪流直又斜。  
短杖微吟過橋去，東風滿路紫藤花。

送杭州別駕陳鼎叔之任

蘇公堤上柳依依，聞說年來已半稀。  
君向春風好培植，莫教庭院獨芳菲。

方文美畫

花落春歸客未歸，仲宣樓上倚斜暉。  
故園遙在三江外，

綠偏簾燕子飛

紙鳶送陸文質之京

百尺東風舞紙鳶無端聲到別離邊人生自是無根蒂

却被功名一線牽

春日偶成

盤薄乾坤萬古心無由輸寫強登臨蜂房晴日蛙聲雨

都付先生自在吟

石倉歷代詩選卷四百八

欽定四庫全書

集部

石倉歷代詩選卷四百九至十三

詳校官編修臣謝振定

侍讀臣孫球覆勘

總校官進士臣朱鈴

校對官中書臣汪學金

謄錄監生臣王兆溫

欽定四庫全書

石倉歷代詩選卷四百九

明 曹學佺 編

明詩次集四十三

林瀚

分得海字送大司徒鄭公還仙遊

木葉鼓霜風，寒聲秋幾倍。  
故人忽南歸，握手情何藹。  
珍重拜殊恩，桑梓增光彩。  
南度分水關，鄉音老無改。八面

壺公山青青久相待月明遠馳思離愁浩於海

應制春日

東風扇微和旭日舒以遲乾坤滿春意萬象何熙熙盛  
德爰在木韶光良可怡輕烟含草色好鳥鳴花枝底事  
榮我心農功須及時百穀播原野雨暘無愆期四海樂  
有年載誦豳風詩

送春閨三月內閣賦

今年春多三十日送春也覺春歸疾臨風欲賦送春詩

花事闌珊愁閣筆東皇別我去難留夕陽冉冉心悠悠  
綠楊枝上鶯聲老芳草渡頭香雨收撫茲不覺傷懷抱  
孤雲夢繞閩南道高堂添却鏡中霜安得春光鎮長好  
回首九陌遊冶兒錦鞍白馬輕羅衣少年只謂長如此  
不問春歸春不歸

送游令之江夏

玉階曉漏辭明主郎星一點光如許鳬鳥南飛鄂渚雲  
蘭舟夜泊湘江雨清時製錦掄竒才須令百里淳風回

鳳皇山上試登覽桃李盡向春陽開嘉政無慙古三異

魯恭千載稱循吏

秋鴻內閣試

秋風起兮寒露瀼碧雲影裏羣翶翔  
明月何處來瀟湘  
滄江萬里天茫茫一聲叫落蘆花霜  
南去河關道路長  
遊子思親遙一方淚痕為爾沾衣裳  
誰將錦瑟彈清商  
回翔欲下寒汀旁漸于磐陸儀羽良  
肯隨燕雀紛飛揚  
澤國秋深菰米香何須更度衡山陽  
水碧沙明網不張

漫驚漁父宵鳴榔  
鴻兮鴻兮動有常  
凡鳥安敢相頽頽  
知時去就能自量  
往來不為傳書忙  
天北天南俱故鄉

秋塘瑞鳥圖應制

蓮塘雨過秋如洗  
數尺澄波清徹底  
兩兩珍禽何處來  
飛入塘中弄烟水  
相呼相喚良有情  
莫遣漁翁鳴榔驚  
翠蓋蓮莖霜後老  
黃蘆幾葉風中聲  
白鷺瑞應元同匹  
凡鳥不敢同遊息  
晚來並立晴沙頭  
占斷滄波秋一碧  
爭如五采雙鳳皇  
梧桐曉日丹山陽  
安得天風扶羽翼

直向霄漢聯翹翔似此珍禽世稀見虞人未許藏機變  
商家至治宏萬年羅網今看解三面

泉石脩篁圖

碧雲數畝湘江曲誰種江干萬枝玉枝枝散影落晴波  
波光掩映林光綠有時颯颯來清風不比金谷飄春紅  
翠鳳辭巢鳴舜日蒼蚪捲霧騰遙空巖巖巨石苔花紫  
砥柱中流儼如許障斷紅塵半點無六月坐來不知暑  
遠峰天際青螺浮蔣逕峽谷輕烟收山中定有脫俗者

可似當年王子猷子猷一去今千載此君清致依然在  
冰霜萬壑歲寒時勁節虛心終不改

送彭春官歸田

門地人爭羨才華世罕儕麟經恢舊業虎榜掛時流筆陣驚風雨文光射斗牛儀曹聲價重魏國寵恩優

禮樂雍容典英賢次第收匡時長策建為國寸心憂伯仲登臺閣晨昏侍冕旒正期同弼亮何事獨歸休

撫景勞清夢思鄉訝白頭年華空外鳥世事水中漚拂

袖行應早揚帆去莫留月明南浦夜雲淡故山秋

黃菊陶潛宅滄波范蠡舟烟霞多散誕泉石足夷猶步  
引松間鶴機忘海上鷗朝紳嗟契闊野老喜追遊

白玉盃浮蟻青藜杖策鳩棋彈花塢靜卷展竹窓幽盡  
日閒如許平生願已酬山中無限樂物外更何求

題東莞梁文煥栢庭卷

為愛庭前柏蒼雲日日橫影分淇竹翠香訏澤蘭清不  
改冰霜操堪怡丘壑情東園桃與李回首幾枯榮

賜扇

鐘鼓初朝罷虞廷，賜扇回裁雲向霄。  
漢握月下蓬萊一掃炎氛淨，頻招爽氣來皇風。  
自清移何用，墮庭槐。

小山秋露應制

雨後山光碧，何人一洗來。  
水簾秋氣爽，石洞曉雲開。  
幽徑通西掖，虛亭倚上台。  
憑高瞻望處，紫塞絕氛埃。

送舒廷音分教桐鄉

京國理行裝，青橐古錦囊。  
儒官辭桂闕，文旆指桐鄉。  
山

色逢秋瘦江聲帶雨涼門牆人似玉次第折天香

圃中新井

翰苑看新甃寒泉同一泓影涵銀漢潔色借玉堂清潤  
物施餘澤烹茶解宿醒轆轤風外急時雜讀書聲

寄題建安楊治中恒叔陶園

夢入陶園遊歸來堂上坐怡顏庭少定寄傲窓徐過花  
外黃鳥聲松間素琴和盤桓稱我居回首紅塵那

進賢女子許嫁而夫亡守志而終詩以輓之

結褵將遂百年歡誰謂仙郎骨竟寒翠羽未聯釵上鳳  
黃塵深掩鏡中鸞閒庭夜月空簾箔古鏡寒泉照井幹  
地下相逢應識面從教和淚剖心看

送仕繹張兄復任河間

故人重別帝王州正值荷花五月秋一棹晴山江上路  
半窓涼月竹邊樓君從瀛海鳴孫復誰念新豐客馬周  
聞說禹門春信近杏壇回首是龍頭

送陳汝璋州博之蘄岸

携書載鐸出長安還是儒林舊日官潞水帆開燕樹遠  
蘄門雲淨楚天寬秋波冷浸琉璃簾曉日光凝首蓿盤  
講罷杏壇無一事鳳皇山色醉中看

禁中聞鶯

金衣公子愛芳辰出谷飛來戀紫宸幾度喚回東閣曉  
數聲啼破上林春烟深宮樹秦簫緩風起龍樓郢調新  
別有高梧丹鳳語却嫌嬌舌混韶鈞

應制薊門烟樹

千章嘉樹蔚門東，樹色蒼茫接遠空。  
幾抹淡烟春杳藐，一林佳氣曉葱葱。  
樓臺隱映青山外，車馬依稀紫陌中。  
啼鳥飛來如有意，綠陰深處語東風。

送郭文舉河源教諭

袍笏榮沾聖主恩，綠槐成市送王孫。  
較多行李書千卷，何限離情酒一樽。  
帆掛薰風移潞渚，城臨秋水抵河源。  
鐸聲振處天荒破，桃李花開春滿門。

秋日感興

獨倚斜陽思不禁  
滿林風葉共蕭森  
詩懷底處逢人遣  
宦况閒來對菊吟  
紫塞天寒霜信早  
碧江雲冷雁聲沈  
西風莫向窓前過  
吹動庭闈故國心

題山水圖用董尚矩侍讀韻

窮通世事坐談間  
自古龍鱗不易攀  
碧澗有聲塵慮淨  
白雲無恙我心閒  
琴牀晝拂松邊石  
詩景春搜雨後山  
絕少輪蹄逢此地  
故人霄漢幾時還

三江舟中與陳德衡酌別方起首兩句未及成

章而潮生解纜歸矣後足首寄之

一棹三江候早潮方山誰道玉人遙烹雞載酒情何限  
倚馬成詩思欲飄白雁聲寒天際雨丹楓影落渡頭橋  
懸知此別相思地春到梅枝雪未消

子陵釣臺

富春山下客舟過為挹清風感慨多龍裘故人天上夢  
羊裘漁父水邊歌一磯烟月還如舊五夜星辰竟若何  
緬想流芳千載事桐江不似渭江波

清明謁陵次吳原博見懷韻

東風忽似朔風吹頓覺歸心馬首馳萬壑松聲寒欲裂  
四郊花氣暗相隨更無青白塵中眼誰有敲推月下詩  
知子雅懷何處寫竹枝頻掃夜窗時

寄姑蘇蘇延玉義相

當年客棹過君家一段蓬壺景不賒翠竹有枝初解箨  
碧桃無樹不開花金樽滿泛長春酒石鼎新烹異品茶  
為問傳書南去鶴壽仙何處煉丹砂

送楊應寧中書還鎮江展墓遂歸雲南訪故業  
陳情有疏叩天闕兩地鄉心一日還京口新阡多碧樹  
滇南舊業半青山潮聲暮雨龍江上雲影秋鴻馬鬢間  
行處莫耽詩景好羣仙相候紫宸班

和馬日一首

國馬曾聞大僕申年來蕃庶倍于寅成羣食野朝連霧  
奮鬚追星夜達辰紫塞休兵忘汗血雕題控轡正咸賓  
也知今日祥光動散作天閑化育春

元宵用前韻

上元恩典歲重申賜假經旬日自寅萬井笙歌宮間羽  
九街燈火夜為辰都人踏月真成隊國士觀光合用賓  
明日上林花一放暖風先報玉京春

再乞歸田未遂所願示庭櫛

三年兩疏乞歸休詔下金門復諭留華髮自知才力減  
素餐深負寵恩優心懸北闕中天日夢遶東籬故國秋  
且倩搏風南去雁傳書先到衆芳樓

送大司徒王公奉詔兼左副都御史視師貴州  
戰馬嘶風猛欲馳秋郊酌別駐金羈席前雲擁尚書履  
闔外霜飛大將旗虎豹生威分隊處牛羊爭獻聚降時  
明朝露布聞當寧韓范勲名更許誰

和光祿卿楊維高年兄韻

門牆咫尺猶千里忽有詩筒月下過雲錦織成花滿軸  
天機借得玉為梭脩篁枝上巢丹鳳流水橋邊戲白鷺  
此地相思無限意不知春景為誰多

哭同年莊定山司封

汎筆沈吟落葉秋故人無復見南州半榦分後心如醉  
雙劍看來淚自流翰苑有章青史重定山無主白雲愁  
試披舊稿寒燈下一道祥光射斗牛

人日和東園詠雪韻

天花蓋地未全銷臘去春來又幾朝家近禁城銀鑄圮  
舟橫野渡玉鋪橋我居齋館心如洗君倚吟牀思欲飄  
燈下喜聞三白調願將嘉瑞獻中朝

寄贈鄭郎中希大致仕進階

鳳臺一別四經秋  
羨子投閒未白頭  
鳴佩廟廊辭主去  
橫金鄉國侍親遊  
春山覽勝雲隨騎  
夜榻延賓月滿樓  
為問濂江江上景  
幾多烟雨暮歸舟

送方寒溪高士還金華

歲寒溪上送寒溪  
幾箇經書一小奚  
詩草百篇涵月露  
文光千丈貫虹霓  
官亭榕樹盤根古  
客路梅花吐葉齊  
拜舞高堂親壽日  
佇看徵詔出金闈

感懷一首用前韻寄西涯

老來巖野覺前非  
贏得投閒願不違  
日下鴛鷺思久別  
山中猿鶴笑遲歸  
愁看露壘頻年結  
悵望台星徹夜輝  
赤手擎天誰可代  
空懷尚父渭川磯

送鄒尚賓作宰于饒平

濂江江上早潮平  
載酒題詩送遠行  
梓里曾推鄒邴志  
花封莫讓魯恭名  
日斜歧路蟬琴咽  
雲淨秋風雁字橫  
為語黃堂遊子道  
好將清白紹家聲

五月望舟中書懷

客途過半夏榕圃正當歸欲附子音信天南星使稀

下村烟樹

孤村烟雨曉濛濛樹色蒼茫隱映中一曲鶯簧何處奏

綠楊枝上語春風

隔塘巢鷺

清脩長在水雲鄉五月蓮塘盡着霜浴罷飛從深樹裏  
渾疑白玉露青囊

題焦中書梅卷

一曲霜風玉笛寒，枝南枝北半闌珊。  
珊瑚鉢落盡，香猶在。  
莫作春堤柳絮看。

題林泉生卷次張汝弼韻

空谷秋清蘭有香，南山霧重豹深藏。  
縱然一出尋詩景，只在青松古澗傍。

黃文澤送至楊村驛辭歸詩以別之

金闈通籍况通家，奕葉朝紳沐寵賒。  
此別情懷分兩地，

秣陵烟樹玉京花

讀石翁詩是日東光河上遇戶部侍郎王公民

望惠以此集

嶺南丘壑石翁家  
霄漢功名老去賒  
何事鶴書招不起

白雲深處飽松花

下邳懷古

下邳何處子房家  
千古名同漢業賖  
為問圯橋黃石上  
幾番春雨長苔花

附林庭桂

字利芳文安公長子  
二十二舉于鄉早夭

補山亭行

習俗厭江村叢林借幽楚隨意添禪元開襟洗塵土劇  
飲借容顏豪吟雕肺腑庭竹數竿秋芭蕉千葉雨有時  
臨崖嵬釋儒雜賓主有時陟山巔乾坤從仰俯有時折  
角巾醉歌有時無絃琴浪撫對景漫優游何心事簪組  
蕭散林丘傲睨今古守拙養真伊誰儔伍幾回醉眼摩  
娑不覺空庭日午

感事偶成

東家有子惟讀書，蠻窓雪案勤何如。  
二十年餘來射策衣冠纔入承明廬。  
西家有子富珠玉，馳馬試劍醉醕醕。  
竭來買却袍與笏，須臾直上黃金屋。  
眼底車馬多如林，棟題數尺深復深。  
翻令世上父母心不重，詩書重黃金。  
誰知一旦黃金耗，門前零落生芳草。  
回頭羞覩東家兒，始信從前讀書好。

承示寵和秋懷三作清新雅淡令人披誦殆忘

寢食喜幸之餘輒不自揣奉答一首

光景轉秋陽新鴻舊燕忙兼葭含夜雨蘭菊破清霜在  
客空彈指思家每斷腸甘泉山下路間却竹蒼蒼

飲河院次方寒溪壁間韻

城北寒笳淒城西涼月低吠聲隔花犬驚夢扶桑雞我  
訝地無步人言天可梯不堪愁絕處驥子蹶霜蹄

過釣臺

羊裘灘上釣鳳詔日邊迎猶自顛狂態那堪故舊情恢

恢天地量耿耿古今名一  
點客星象依稀江底明

秋宮詞

庭樹西風木落時敗荷衰柳共淒其含情長鎖雙眉憊  
多病應添兩鬢絲何處錦鱗堪問信滿階紅葉漫題詩  
幽懷難向傍人說只有青天皓月知

偶得紅菊一本置之盆中遂成一首

十尺珊瑚到眼前品題曾說是金蟬風飄階下香猶細  
露濕盆中色更鮮幽谷芝蘭長作伴東園桃李敢爭妍

客窓對此真堪愛笑摘嬌枝入酒筵

舟次羅灘

扁舟漂泊野橋東水底漁燈隔岸紅九曲灘頭風解纜  
殘更夢裏雨敲蓬雞聲村店元無異人語鄉園漸不同  
羈思滿懷眠不得曉鐘何處梵王宮

立春書懷

帝里風光分外佳看春應動少年懷風和柳眼初窺岸  
雨冷苔痕未上階子史羣疑和凍解客窓孤悶順時排

半生株守當何事留着鬚眉老鳳釵

遊雞鳴寺感述

丹飛翠聳勢盤旋別是人間一洞天春屐印乾苔砌雨  
曉鐘撞破樹林烟支龍突地成雄鎮梁燕爭泥撓定禪  
莫上層臺最高處六朝遺事草芊芊

江郎即景

千丈巍峩勢欲顛午風閣井散晴烟何年醉卓山靈筆  
寫盡三秋雁影天

春郊

芳草汀洲綠淺深窮崖倒挂景晴陰馬蹄不見尋芳侶  
孤負東君一片心

金陵春眺

登臨扶醉接天風桃李花開面面東九十韶華轉頭盡  
金樽休遣對花空

讀鄰笛遺悲卷

死別俄經二十秋忽看遺墨淚如流風簾寂莫燈前雨

誰復能禁此夜愁

石倉歷代詩選卷四百九